

1248, setembre, 12

*Ramon Andreu ven al monestir de Sant Daniel el camp Gogin, situat al terme de Vilablareix, pel preu de 1.800 sous melgoresos.*

ASD núm.146, perg. orig., 565 x 204 mm. Còpia; Llibre 22, núm. 17, pp. 47-48v.

Sit notum cunctis quod ego Raimundus Andreas, per me et per omnes successores meos presentes et futuros, non ui compulsa uel fraude aliquo inductus, set bona animo et spontanea uoluntate ac nemine cogente et ob magnam utilitatem meam uendo et cum hoc presenti publico instrumento omni tempore ualituro liberando trado uobis domine Berengarie, Dei gratia abbatisse Sancti Danielis et toto conuentui eiusdem monasterii presenti et futura et uestris successoribus in perpetuum per franchum et liberum alodium, totum illum meum campum integre uocatum campum Guogin quem habeo in parrochia Sancti Menne de Uilablarex, quem Bernardus de Ciiario auunculus meus condam deffunctus mihi in suo testamento dimisit, qui affrontat ab oriente in honore prepositure mensis septembris et in campo mansi des Toron, a meridie in strata que tendit apud Uillamblarex, ab accidente in honore Bernardi de Uicco et in honore Arnalli Squirol, a circio in torrente qui discurrit in tempore pluuiarum. Sicut de hiis affrontacionibus predictus campus includitur, cum exitibus et ingressibus et pertinencis et tenedonibus et cum omnibus melioramentis ibi factis et de cetero faciendis et cum omnibus aliis in se habentibus sibique qualicumque modo pertinentibus, prout melius <lici uel intelligi potest ad uestrum comodum, sic dictum campum cum omni sua proprietate et integritate uobis et monasterio Sancti Danielis et conuentui eiusdem presenti et futura uendo et trado in perpetuum per franchum et liberum alodium pro mille octingentis solidis malgorensibus, de quibus recognosco me a uobis bene esse paccatum, renunciando excepcioni non numerate peccunie; et si amplius ualet dicto precio uel ualebit, totum gratis et ex certa sciencia uobis et monasterio Sancti Danielis et conuentui eiusdem presenti et futura dono in perpetuum donacione inter uiuos, renunciando expresse auxilio et beneficio illius legis qua deceptis ultra dimidiam iusti precii succurritur et eciam excepcioni doli et metus et accioni in factum et restitucioni in integrum et omni alii iuri scripto uel non scripto mihi et meis contra predicta competenti et competituro. Et ideo de meo iure ac potestate in dominium uestrum et potestatem trado et uos inde in corporalem possessionem mito cum hoc presenti publico instrumento ad habendum et tenendum et omni tempore possidendum ad omnes uestras uestrorumque uoluntates et dicti monasterii et conuentus eiusdem presentis et futuri perpetuo faciendas pro francho et libero alodo, sine aliquo retentu quod inde non facio, omnibus meis uocibus et rationibus et omnium meorum inde perpetuo extinctis et penes uos et monasterium Sancti Danielis translatis. Et conuenio uobis et dicto monasterio et conuentui eiusdem presenti et futura per me et per omnes meos dictam uendicionem semper facere habere et tenere in pace pro francho et libero alodo et esse deffensor et garent contra cunctam uiuentem personam. Uerumtamen si aliqua uiuens persona ibi aliquid uobis et conuentui uestro presenti et futura tetigerit uel forifecerit siue

emparauerit aut contradixerit siue questionem contra uos et dictum monasterium et conuentum eiusdem presentem et futurum mouerit, ego ante ingressum litis promito me ante uos ponere et uos et dictum monasterium et conuentum eiusdem indempnes seruare in curia et extra curiam, et in placito et extra placüum, et in iudicio et extra iudicium cum meis propriis expensis et missionibus. Et si forte dampnum aliquod uel grauamen siue missionem aliquam aliquo modo inde uos et conuentum Sancti Danielis presentem et futurum facere uel sustinere opportuerit, totum conuenio uobis et conuentui eiusdem monasterii in integrum resarcire per me et meos ad uestram uoluntatem, et sitis inde crediti uestro plano uerbo sine Sacramento et testium productione, et de euictione et omni interesse obligo uobis et dicto monasterio Sancti Danielis et conuentui eiusdem presenti et futuro me et heredes meos et successores et omnia bona mobilia et immobilia et semouencia habita et habenda generaliter et specialiter semper et ubique; et ut predicta uendicio maius robur obtineat et omninis dubitacio inde remoueatur, proprio motu et absque aliquo imperio iuro super sancta .mr.or Dei Euangelia corporaliter tacta omnia predicta superius scripta semper rata et firma habere, et in perpetuum obseruare et numquam contrauenire iure aliquo uel ratione. Et si aliquo iure scripto uel non scripto, legali uel diuino, publico uel priuato, humano, canonico, ecclesiastico uel ciuili, generali uel speciali siue excepcione uel occasione aliqua in futurum huic contractui obuiam ire possem, illi iuri per uirtutem dicti sacramenti prorsus irreuocabiliter in perpetuum renuncio.

Actum est hoc .n. idus septembbris anno Domini .MCCXL. octauo.

(s. man.) Raimundus Andree. (s. man.) Bernardus de Balneolis, testis\* (s. man.) Arnallus Ermengaudi, testis\*. Sig+num Petri Ollarii, testis.

(s. man.) Arnallus de Sancto Martina qui hac scripsit mandato Bernardi de Uicco, publici Gerunde notarii, cum litteris dampnatis in .XXXII. linea, die et anno quo supra.

Ego Bernardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 301-303